



Broj: 02/06-04-013439-5/25

Tuzla, 27.06.2025. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14, 59/22 i 50/24), Sekretar Ureda za zajedničke poslove kantonalnih organa, donosi:

ODLUKU
o izboru najpovoljnijeg ponuđača

Član 1.

Prihvata se preporuka Komisije za provođenje postupaka centralizovanih javnih nabavki iz Zapisnika o ocjeni ponuda broj: 02/06-04-013439-4/25 od 23.06.2025 godine u postupku javne nabavke i isporuke materijala za održavanje higijene te se kao najpovoljniji ponuđač bira „Company-Dis“ d.o.o. Tuzla, ponuda broj: 100-230/25 od 20.06.2025. godine za ponudenu cijenu od **467.000,00 KM (bez PDV-a)** nakon održane e-aukcije.

Član 2.

Ukoliko se ispune svi uslovi propisani Zakonom o javnim nabavkama BiH, okvirni sporazum će se dostaviti na potpis izabranom ponuđaču po proteku roka od 15 dana, računajući od dana prijema odluke ugovornog organa o izboru najpovoljnijeg ponuđača. Okvirni sporazum se zaključuje na period od 24 mjeseca.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-013439/25 od 05.05.2025. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke iznosila je 1.107.164,61 KM (bez PDV-a). Obavještenje o nabavci broj: 1116-1-1-19-3-33/25 objavljeno je na Portalu javnih nabavki 09.05.2025. godine.

Komisija za javnu nabavku imenovana Rješenjem o imenovanju Komisije za provođenje postupaka centralizovanih javnih nabavki broj: 02/06-30-21554/25 od 04.06.2025. godine i 02/06-30-21554-1/25 od 19.06.2025. godine izvršila je otvaranje ponuda dana 23.06.2025. godine sa početkom u 11:15 sati. Nakon izvršenog vrednovanja, Komisija je ugovornom organu dostavila dana 27.06.2025. godine, Zapisnik o ocjeni ponuda broj: 02/06-04-013439-4/25 od 23.06.2025. godine, koji ujedno predstavlja preporuku i izvještaj o radu, u postupku predmetne javne nabavke.

Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet);
- da je blagovremeno zaprimljeno 5 (pet) ponuda;
- da nema neblagovremeno zaprimljenih ponuda;
- da je prilikom vrednovanja ponude ponuđača „Defter“ d.o.o. Sarajevo ustanovljeno, kao i Zapisnikom o otvaranju ponuda broj: 02/06-04-013439/25 od 23.06.2025. godine konstatovano, da u dijelu Obrasca za cijenu ponuda na stranici 13 ponude nije naveden dio koji treba da glasi „Ukupna cijena bez PDV-a“ kao i upisani brojevi iznos u okvirni dio predviđenog obrasca iznad iskazanog popusta. U polje za iskazani popust je iskazana „0“ nula, odnosno nije odobren iznos umanjenja ponude. U dio za iskazanu vrijednost ukupne cijene sa popustom bez PDV-a je naveden brojevi iznos ponude kao i iznos upisan slovima. Dakle analogno upisanom koje sadrži iskazani iznos ponude u kojoj nije odobren popust, vrijednost ponude bez PDV-a glasi na isti iznos iako isti nije upisan. Obzirom na sadržaj cjelokupnog dokumenta ponude u kojem je na mjestima (Anex 2, 7. i Anex 8, 20. strana ponude) vidljiv podatak o iznosu vrijednosti ponude bez PDV-a prije iskazanog popusta, isto nije od presudnog značaja za odbacivanje ponude. Komisija je u vezi navedenog zauzela stav da se radi o manjem propustu koji nije od isključivog značaja za odbacivanje ponude ponuđača, te jednoglasno odlučila da je ista ispravna i kvalifikovana;
- da su ponude ponuđača: „Aeroexclusive“ d.o.o. Sarajevo, „R&S“ d.o.o. Sarajevo, „Company-Dis“ d.o.o. Tuzla i „Defter“ d.o.o. Sarajevo prihvatljive i ispunjavaju sve uslove i zahtjeve iz tenderske dokumentacije.
- da je ponuda ponuđača „Inter Com“ d.o.o. Zenica nepravilna, a pritom i odbačena, jer ne ispunjava uslove iz tenderske dokumentacije.

Ponuđač „Inter Com“ d.o.o. Zenica je dostavio ponudu broj: 00139-06/25 od 19.06.2025. godine za predmetni postupak nabavke, koja nije u skladu sa propisanim uslovima iz tenderske dokumentacije. Naime, za uslov za kvalifikaciju iz tačke 13.3 b) uzorak proizvoda za stavku pod brojem 55 iz Obrasca za cijenu ponude, ponuđač je dostavio sve uzorke za sve tražene proizvode kao i za stavku iz liste uzoraka- Otpremnica br 000272 ED/25 od 19.06.2025. godine zavedenu pod rednim brojem 4, naziv artikla „Solna kiselina 1 litar“ koji je označen rednim brojem uzorka 55 iz tenderske dokumentacije. Navedeni uzorak sadrži deklaraciju na proizvodu na kojoj je vidljiv sastav, količina, proizvođač i naziv proizvoda ali na kojem nije naveden procenat HCl sastava proizvoda.

Na trećoj stranici Obrasca za cijenu ponude pod rednim brojem 55 za naziv proizvoda i naziv proizvođača je upisano „Magic cleaner/ ForEx doo“, odnosno uvidom u dostavljeni uzorak je ustanovljeno da se radi o sadržajnom pakovanju 1 litar, sredstva za čišćenje vodenog kamenca koje sadrži HCl i naziv proizvođača forEks doo Tuzla.

Postavljenim uslovom za tehničke karakteristike artikla je traženo da navedeni artikal sadrži minimalno do 10 % HCl, međutim deklaracijom proizvoda nije uopšte naveden procenat koliko zaista proizvod sadrži hlorovodične kiseline.

Obzirom da solne (hlorovodenične) kiseline proizvođača koje su raspoložive na tržištu u Bosni i Hercegovini su u rasponima od 1 do 25% koje su jasno istaknute na deklaracijama proizvoda proizvođača, za ponuđeni artikal ponuđača nije potvrđeno da ispunjava postavljene uslov u pogledu ispunjavanja sadržajne karakteristike proizvoda.

Stoga se ponuda odbacuje u skladu sa članom 68. stav (4) tačka i) jer nije potpuna i ne ispunjava zahtjeve iz tenderske dokumentacije.

Obzirom da je održavanje e-aukcije bilo predviđeno tenderskom dokumentacijom, Komisija je zakazala e-aukciju za održavanje iste za dan 26.06.2025.godine u 14:30 sati.

Nakon što je na portalu javnih nabavki kreiran Izvještaj o toku i završetku e-aukcije dana 26.06.2025.godine u 15:18 sati, kreirana je i konačna rang lista ponuđača, koji su učestvovali na e-aukciji, prema kriteriju najniže ponuđene cijene:

Redni broj	Naziv ponuđača	Ukupna cijena sa popustom bez PDV-a (KM)
1	Company- Dis d.o.o. Tuzla	467.000,00
2	Defter d.o.o. Sarajevo	469.999,00
3	R&S d.o.o. Sarajevo	553.170,48
4	Aero Exclusive d.o.o. Sarajevo	1.106.360,37


Komisija za centralizovane javne nabavke je dala preporuku da se okvirni sporazum za nabavku i isporuku materijala za održavanje higijene zaključi sa ponuđačem „Company-Dis“ d.o.o. Tuzla, ponuda broj: 100-230/25 od 20.06.2025 godine za ponuđenu cijenu 467.000,00 KM bez PDV-a, nakon održane e-aukcije.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, da je ponuda ponuđača „Inter Com“ d.o.o. Zenica odbačena kao nepravilna u skladu sa članom 68. stav (4) tačka i) Zakona o javnim nabavkama, jer nije potpuna i ne ispunjava zahtjeve iz tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će ukoliko se ispune svi propisani uslovi Zakona o javnim nabavkama okvirni sporazum dostaviti i dodijeliti ponuđaču „Company-Dis“ d.o.o. Tuzla koja je ocijenjena kao najpovoljnija sa datom ponudom u skladu sa kriterijem za dodjelu ugovora – najniža cijena te je odlučeno kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



Za SEKRETARA

Zdenka Marijanović

Zdenka Marijanović, dipl. pravnik

Dostaviti:

- „R&S“ d.o.o. Sarajevo
- „Inter Com“ d.o.o. Zenica
- „Company-Dis“ d.o.o. Tuzla
- „Aero Exclusive“ d.o.o. Sarajevo
- „Defter“ d.o.o. Sarajevo
- a/a